

**Nioqqutissanik eqqussuinermi akitsuutit pillugit Inatsisartut inatsisaata allangortinneqarnera pillugu Inatsisartut inatsisaattut siunnersuut**  
(Aningaasaqarnermut Naligiissitaanermullu Naalakkersuisoq)

**Saqqummiussissut**

(Aningaasaqarnermut Naligiissitaanermullu Naalakkersuisoq)

**Siullermeerinnineq.**

Nioqqutissanik eqqussuinermi akitsuutit pillugit Inatsisartut inatsisaata allangortinneqarnera pillugu Inatsisartut inatsisaattut siunnersuut Naalakkersuisut sinnerlugit saqqummiuppara.

2022-mut aningasanut inatsimmut atatillugu kaffinut, tiinut timmissanillu nioqqutissianut eqqussuinermit akitsuutit atorunnaarsinneqarnissaat aalajangerneqarpoq. Taamaammat akitsuutinik allannguinerit akuerineqartut nioqqutissanik eqqussuinermi akitsuutinut inatsimmut atuuttumut ilanngunneqarnissaat siunnersuutigineqarpoq, taamaaliornikkut akitsuutinik atorunnaarsitsineq ataavartunngortillugu.

Tamatuma saniatigut qamutininik motorilinnik akitsuuserneqartussaataasunik naalagaaffiit pisortaasa tikeraarnerannut atorineqartussanik eqqussigallarnermi akitsuusiisanginnissaq siunnersuutigineqarpoq. Qamutit motorillit naalagaaffeqatigiinnermi oqartussanit nunalluunniit allat oqartussaasuinit eqqunneqarnissaat, qamutillu motorillit eqqunneqarnerminnit ullut 30-t iluanni aniseqqinneqarnissaat tunngavissaatinneqarpoq.

Naggasiullugu inatsimmi § 3, nr. 1-ip allanneqarnerata allangortinneqarnissaa siunnersuutigineqarpoq. Matumani inatsisiliornermi teknikikkut kukkunerup aaqinneqarnissaa pineqarpoq.

Taariikkama saniatigut siunnersuut tassungalu nassuiaatit innersuussutigaaakka.

Naggasiullugu siunnersuut Inatsisartunut kajumittumik oqaluuserisassangortippara.